

毛

詩

異

文

箋

毛詩異文箋卷八

鹽城陳玉樹

疊疊文王 疊疊申伯 勉勉我王

大雅文王篇疊疊文王傳疊疊勉也崧高疊疊申伯箋疊
疊勉也案疊卽勉之段音械樸勉勉我王韓詩外傳五作
疊疊文王荀子富國篇春秋緡露三綱六紀篇引詩竝作
疊疊我王此疊勉字通之證文選左太沖吳都賦清流疊
疊注引韓詩疊疊水流進貌段玉裁謂卽新臺河水浼浼
之異文疊之通作浼猶疊之通作勉矣疊古讀如門勉从
免聲禮記檀弓釋文內則釋文皆云免音問說文問从門
聲此疊勉音近之證說文無疊昔人謂卽媿字近儒謂卽

爵字

凡周之士 則無應仕 維曰于仕

凡周之士不顯亦世傳云不世顯德乎士者世祿也案毛
以士者釋經之士蓋讀士爲仕士者世祿卽孟子仕者世
祿也正義及考文古本竝作仕者世祿節南山則無應仕
雨無正維曰于仕仕正字士借字士借爲仕仕亦借爲士
四月箋之仕事卽褰裳傳之士事也

說見盡葬
以仕下

於緝熙敬止 維清緝熙 於緝熙 俾緝熙于純嘏

學有緝熙于光明 熠燿宵行 熠燿其羽

於緝熙敬止傳緝熙光明也昊天有成命篇於緝熙傳緝

明也維清載見敬之之緝熙箋竝訓爲光明案緝乃熠之
段音說文熠盛光也字林熠光盛也東山熠燿宵行正義
曰熠燿者螢火之蟲飛而有光之貌熠燿其羽箋云羽鮮
明也緝熠燿韻文選束皙補亡詩輯輯和風注引毛詩習
習谷風云輯與習同緝之通作熠猶輯之通作習矣爾雅
釋詁緝光也亦段借字說文緝績也行葦箋緝猶績也此
緝之本義也

假哉天命 亦孔之固 受命既固

假哉天命傳假固也案此謂段借固與天保定爾亦孔之
固天立厥配受命既固之固同義假與固古字通用釋詁

假已也思齊正義引作瑕已史記宋世家十二諸侯年表

宋共公瑕春秋瑕作固

成十六年宋公固卒

是假瑕固竝通用段聲

古聲古同部唐韻正三十五馬假音古九麻瑕遐皆音胡

表記引詩瑕不謂矣注瑕之言胡也棧樸遐不作人潛夫

論德化篇作胡不作人遐之通作胡猶假之通固矣

宜昭義問 既順迺宣 秉心宜猶 宜哲維人 其

下侯甸 來甸來宣

宜昭義問箋云宜徧公劉既順迺宣傳云宜徧桑柔秉心

宜猶江漢來甸來宣離宜哲維人箋竝曰宜徧也宜徧釋

言文案說文山部宣天子宣室也宜無徧義訓徧者甸之

假借字也說文旬徧也十日爲旬桑柔其下俟旬傳旬言
陰均也正義曰釋言云旬均也李巡曰洵徧之均也江漢
來旬來宣傳旬徧也說文玉部珣醫無閭之珣玗璠周書
所謂夷玉也从王旬聲一曰玉器讀若宣段玉裁曰爾雅
璧大六尺謂之宣郊祀志有司奉瑱玉詛楚文設用吉王
宣璧皆卽珣字說文新附攷曰瑱通作宣亦作珣珣正字
宣借字
瑱俗 旬之通作宣亦猶珣之通作宣與瑱矣

宣昭義問 無非無儀 儀式荆文王之典

宣昭義問傳義善釋文義毛音儀正義曰義善釋詁文案
今釋詁作儀善小雅斯干無非無儀箋云儀善周頌我將

儀式荆文王之典傳儀善義儀古今字尸鳩其儀一兮箋
云儀義也楚茨禮儀卒度韓詩外傳四作禮義卒度書文
侯之命父義和鄭注義讀爲儀周禮肆師治其禮儀以佐
宗伯注故書儀爲義鄭司農云義讀爲儀古者書儀但爲
義今皆所謂義古書爲誼大司徒注小宗伯注故書儀爲
義典命注故書儀作義春秋隱元年邾儀父漢書鄒陽傳
作義父師古曰義讀曰儀楊信碑追念義荆卽儀荆呂氏
春秋閭閻有臣文之儀墨子作文義號叔大林鍾銘威儀
作威義禮記樂記制之禮義漢書禮樂志義作儀

宣昭義問 令聞不已

宣昭義問正義釋毛云常布其善聲問於天下案義問卽第二章之令聞義與令皆善也問聞古字通聲聲文王令問不已墨子明鬼下篇作令問不已江漢令聞不已北堂書鈔帝王部七作令問不已卷阿令聞令望釋文問音問本亦作問荀子正名篇爾雅釋詁疏文選王融曲水詩注史孝山出師頌注引詩竝作令問令望文王有聲箋行令聞之聲者釋文問本亦作問左氏襄三十一年傳令聞長世釋文問本亦作問文選景福殿賦注引作令問長世論語回也問一以知十釋文問如字本或作問說文問與問皆从門聲聲同故字通也

天難忱斯 其命匪謚

大明天難忱斯傳忱信也蕩其命匪謚傳謚誠也箋云其
教道之非當以誠信使之忠厚乎案說文謚誠諦也从言
甚聲詩曰天難謚斯忱誠也从心尤聲詩曰其命匪忱與
詩字互易漢書貢禹傳後漢書胡廣傳春秋繁露天地陰
陽篇潛夫論上列篇續漢書律厯志論引詩竝作天難謚
斯書大誥天棐忱辭漢書孔光傳及敘傳注竝作天棐謚
辭康誥天畏棐忱釋詁注作天威匪謚釋文謚今作忱風
俗通十反篇書曰天威棐謚文選班固幽通賦實棐謚而
相訓注謚與忱古字通謚又作訖韓詩作天難訖斯說文

燕代東齊謂信曰訖釋詁注引方言燕代東齊曰謹廣韻
二十一侵謹誠也爾雅云信也懃訖忱竝同

大任有身 載震載夙

大任有身傳身重也箋云重謂懷孕也釋文重直勇反又
直龍反正義云以身中復有一身故言重案釋文正義皆
誤重乃動之省文一切經音義卷一引詩大任有娠卷八
引詩傳曰娠動也謂懷胎孕名也字正作動則重卽動字
明矣身與娠通娠又與震通生民載震載夙傳震動箋云
於是遂有身而肅戒不復御大明傳之身重卽生民傳之
震動淮南子精神訓文子九守篇廣雅釋親竝云八月而

動九月而躁十月而生動以懷妊八月言也身與震皆娠之借字說文女部娠女妊身動也漢書高帝紀已而有娠孟康曰娠音身漢史身多作娠古今字也應劭曰娠動懷妊之意左傳曰邑姜方娠今左傳作方震釋文震本又作娠之慎反又音申又生民正義及爾雅釋詁疏引左傳后緝方震今左傳作方娠釋文娠音震又音身月令注天子所御謂今有娠者釋文娠音身一音震謂懷妊是娠震身字竝通用

其德不回 求福不回 徐方不回 則具是遘

其德不回傳回違也旱麓求福不回箋云不回者不違先

王之道常武徐方不回箋云回猶違也案回卽違之段借
違背也小顧則具是違箋云謀之善者俱背違之書堯典
靜言庸違左氏文十八年傳吳志陸抗傳作靖譖庸回論
衡明暗篇作靖言庸回左氏昭二十六年傳君無違德論
衡作回德集韻十五灰回古作違韋此回違字通之證違
背字當作韋說文章相背也从舛口聲羣經音辨韋違行
也音回爾雅釋訓釋文迴沈音回郭音韋

有命旣集 就其深矣 就其淺矣 言就爾居 言
就爾宿 以就口食 三事就緒 將予就之

有命旣集傳集就案此依就之就與就其深矣就其淺矣

言就爾居言就爾宿以就口食三事就緒將予就之之就
同集就古字通小韻是用不集韓詩外傳作是用不就書
顧命用克達殷集大命漢石經集作就大戴禮眾則集寡
則謬吳越春秋同病相憐同憂相救驚翔之鳥相隨而集
瀨下之水回復俱留集與謬韻與救留韻俱讀若就周書
諡法就會也俞氏樾讀就爲集引爾雅釋言集會也爲證
矢于牧野 無矢我陵 以矢其音 矢詩不多 矢
其文德 有母之尸饔

矢于牧野傳矢陳也

依說文當作陳

皇矣無矢我陵卷阿以矢其

音傳竝曰矢陳也矢詩不多箋矢陳也江漢矢其文德傳

矢施正義謂施陳文德案說文矢弓弩矢也此本義訓陳乃借義其本字當作尸爾雅說文竝曰尸陳也祈父有母之尸巽傳尸陳也左氏桓十五年傳尸諸周氏之汪淮南子俶眞訓注尸作矢此矢尸字通之證合尸矢爲一字則爲屍爾雅釋詁矢陳也釋文矢作屍廣雅屍陳也玉篇尸部屍式視切與矢同說文廣雅竝無屍

古公亶父 不韙故也 維子之故

緜古公亶父傳古言久也案久卽舊也古卽故也書無逸舊勞于外舊爲小人史記魯世家舊作久此舊久字通之證烝民古訓是式傳云古故

此讀古爲故也古訓卽故訓故訓卽詁訓爾雅釋詁李樊

本作釋故毛詩詁訓傳漢書藝文列女傳賢明篇作故訓
志作故訓傳又有齊故韓故魯故是式經義知新記曰孔子三朝記爾雅以觀於古古卽詁
也亦作故說苑奉使篇詩無通故是也此古故字通之證
正義曰古公猶言先王先公其說是也又云古公言其年
世久古其說非也鄭風遵大路不逮故也箋云我乃以莊
公不逮於先君之道故之爲先君猶古公之爲先公也唐
風羔裘維子之故箋云乃念子故舊之人故之爲舊猶古
之爲久也古古文故今文箋云古公據文王本其祖也蓋
亦以古公爲先公趙岐孟子章句謂大王號稱古公朱子
孟子集注云古公大王之本號史記周本紀古公凡十一

見大史公意亦以古公爲大王本號不如毛說爲當崔述
豐鎬考信錄謂公賈父相連成文特臆說耳

來朝走馬 左右趣之

來朝走馬箋云來朝走馬言其避惡早且疾案箋以早釋
來朝以疾釋走走當爲趣之段借說文走部趣疾也械機
左右趣之箋云左右之諸臣皆促疾於事亦訓趣爲疾王
篇走部引詩正作來朝趣馬史記季布傳乃提趣湯徐廣
曰趣一作走是走趣字通

迺慰迺止迺左迺右迺疆迺理迺宣迺畝 迺召司空

迺召司徒 迺立皋門 迺立應門 迺立冢土

迺場迺疆迺積迺倉迺襄餼糧 既順迺宜 迺陟南

岡迺觀于京 既登迺依迺造其曹 既景迺岡 止

基迺理 止旅迺密 乃如之人兮

乃字絲公劉兩篇唐石經俱作迺宋本乃迺餘皆作乃抑風

日月乃如之人兮其首見也案乃正字迺借字乃說文作

乃云曳詞之難也象氣之難出也迺說文作𠂔云驚詞也

从乃省𠂔聲或曰𠂔往也讀若仍迺乃本非一字經典多

段迺為乃釋詁迺也亦謂段借廣雅乃往也則又借乃

為迺矣迺讀為仍仍从乃聲乃古亦讀若仍周禮司凡筵

凶事仍凡注故書仍為乃鄭司農注乃讀為仍是也廣韻

十五海乃語辭也汝也奴海切廼古文列子湯問篇釋文
廼古乃字

度之薨薨 爰究爰度 度其陽原 度其夕陽 其

究安宅 此維與宅 宅是鎬京 定申伯之宅 遂

荒徐宅 宅殷土芒芒

度之薨薨傳度居也皇矣爰究爰度傳度居也公劉度其
陽原度其夕陽正義曰皇矣傳以度爲居此章之度傳意
亦應爲居友人姜汝濟謂度訓居廼土之段借白土沮漆
傳土居也漢書地理志注作目杜漆沮書費誓杜乃獲釋
文杜本又作敷周禮雍氏注作敷乃獲土之通作度猶杜

之通作敗矣周禮典瑞封國則以土地注土地猶度地大司徒以土圭土其地注土其地猶言度其地土方氏以土地相宅注土地猶度地土之借爲度猶度之借爲土矣王樹案上者人所居故土訓居字者人所宇故宇訓居宅者人所居故宅訓居宅度字通經典甚眾不必讀度爲土鴻鴈其究安宅皇矣此維與宅文王有聲宅是鎬京松高定申伯之宅閼宮遂荒徐宅元鳥宅殷土芒芒傳箋並訓宅爲居宅古音度故度借爲宅此維與宅論衡初京篇作此維予度宅是鎬京禮記坊記作度是鎬京書堯典宅西曰昧谷周禮縫人注作度西曰柳穀五流有宅史記五帝紀

作五流有度禹貢是降北宅土風俗通山澤篇作民乃降
北度土三危既宅夏本紀作三危既度立政文王惟克厥
宅心漢石經宅作度顧命恤宅宗後漢班固傳及章懷注
班固典引及蔡邕注竝作恤度宗漢書韋元成傳先后茲
度漣漣孔懷臣瓚曰古文宅度同集均十一暮度或作庀
宅二十陌宅或作度

削屢馮馮 式居婁驕

削屢馮馮傳云削牆鍛屢之聲馮馮然案鍛謂椎之屢謂
斂之椎之卽以斂之使之堅實也蒼頡篇鍛椎也說文作
段云椎物也古無屢字當作婁角弓式居婁驕箋婁斂也

荀子非相篇引詩作式居屢驕

迺立冢土 以社以方

迺立冢土傳冢土大社也先君曰社字古止作土亦讀若
土傳以今字釋古字也甫田以社以方傳社后土也社本
后土加甫於其旁作社猶方爲四方加甫於其旁作社白
虎通曰社不謂之土何變名爲社別於眾土也漢書郊祀
志社者土也敘傳見危授命誼動明主布歷燕齊叔亦相
穆民息其政或金或社社與主魯韻正讀若土商頌宅殷
土芒芒史記三代世表褚先生引詩作殷社芒芒土之增
爲社猶社之省爲土矣左傳昭二十二年城人敗陸渾

於社釋文社或作杜杜亦與土通如桑土亦作桑杜相土亦作相杜是也

柞械拔矣 實發實秀

柞械拔矣箋云今以柞械生柯葉之時使大夫將師旅出聘問其行道士眾兌然不有征伐之意案鄭以生柯葉釋經之拔蓋讀拔爲發發生也生民實發實秀傳發盡發也箋云發發管時也正義釋發爲生淮南子主術訓是故草木之發若蒸氣高誘注亦訓發爲生拔與發古字通用禮記檀弓下公叔文子卒注文子衛獻公之孫名拔一作發世本作文子拔左傳作公叔發氓鰭鮪發發說文作鰭鮪

𧈧𧈧七月一日威發說文作𧈧𧈧荀子引詩武王載發
說文引詩作載坂說文巾部𧈧讀若撥鳥部𧈧讀若撥爾
雅釋蟲𧈧𧈧考工記梓人注作發皇玉篇衣部𧈧重文作
發𧈧𧈧十月𧈧訓疾風與發同方伐切卽匪風發兮飄風
發發之發

行道兌矣 大風有隧 舒而脫脫兮

行道兌矣傳兌成蹊也案左氏宣十一年傳牽牛以蹊人
之田注蹊徑也後漢書張衡傳不識蹊之所由注蹊路也
廣雅釋室蹊道也漢書李廣蘇建傳贊下自成蹊注蹊謂
徑道也兌訓成蹊蓋遂之段借說文遂邑中道也柔柔大

風有隧傳隧逍也隧爲遂之俗初學記天部引詩作大風
有遂檀弓齊莊公襲莒於奪注隧奪聲相近或爲兌此隧
兌字通之證衛風碩人說于農郊箋說當爲禊史記酈陸
列傳乃奉百金往稅集解引韋昭曰衣服曰稅稅當爲禊
兌之通作隧亦猶說稅之通作禊矣箋云其行道士眾脫
然不有征伐之意釋文脫通外反本亦作兌正義本作兌
野有死麕傳脫脫舒遲也箋意以行道兌矣爲行道舒遲
校勘記曰箋以兌爲脫之段借直於訓釋中改用脫字以
顯之其不云讀爲者省文之例每如此也當以釋文本爲
長爾雅釋草釋文茺字或作脫兌之作脫猶茺之作脫矣

予曰有奔奏 駿奔走在廟

予曰有奔奏箋云奔奏使人歸趨之釋文作本奏云本本亦作奔奏本亦作走正義本作奔走周頌清廟駿奔走在廟奔走正字本奏借字走字有奏音故奏借爲走左氏襄二十三年傳奉君以走固宮釋文走如字一音奏史記商君傳走商邑索隱曰走音奏走向也蒙恬傳北走琅邪索隱曰走音奏猶向也張釋之傳此走邯鄲道也如淳曰走音奏趨也

追琢其章 敦琢其旅

棫樸追琢其章傳追彫也金曰彫玉曰琢箋云周禮追師

掌追衡筭則追亦治玉也釋文追對回反案追當讀彫荀
子富國篇引詩彫琢其章毛用師說故讀追爲彫此與皇
匡甲狎例同說苑引詩亦作彫琢其章天官序官追師注
治玉石之名釋文追丁回反一曰雕雕彫字通說文作琬
周頌有客敦琢其旅正義曰敦琢治玉之名敦彫古今字
釋文敦都回反徐又音彫蓋敦琢之爲彫琢猶敦弓之爲
彫弓也追琢敦琢皆卽彫琢追敦彫一聲之轉

烈假不瑕 胡然厲矣 以謹醜厲 誰生厲階 降
此大厲

思齊烈假不瑕箋云烈假皆病也瑕已也釋文烈鄭作厲

力世反又音賴正義曰鄭讀烈假爲厲瘕故云皆病也說文云厲惡疾也

說文作瘕

或作癩瘕病也是厲瘕皆爲病之義

也案正月胡然厲矣傳厲惡也厲與結滅威韻正是烈音民勞厲韻敗大瞻卽厲韻察眉正是賴音毛傳竝曰厲惡也桑柔誰生厲階傳亦曰厲惡也訓惡與訓病是一義烈與厲古通用唐公房碑作厲蠱不取集韻十四秦作厲假不取禮記祭法厲山氏魯語作烈山氏莊子齊物論厲風卽烈風周禮厲禁皆卽遮迺之迺公羊傳大痢卽大癩廣韻十三祭癩重文作痢癩重文作駟癩重文作癩

烈假不瑕 德音不瑕

箋訓假爲病讀假爲取訓瑕爲已讀瑕爲假狼跋德音不
瑕傳瑕過也箋云不瑕言不可疵瑕也正義曰瑕者玉之
病玉之有瑕如人之有過故以爲過箋言無可疵瑕者亦
是玉病言周公終始皆善爲無疵瑕也此訓病之假當作
瑕也釋詁假已也曲禮天王登假鄭注假已也此訓已之
瑕當作假也莊十四年左傳傳瑕單行本史記鄭世家索
隱作甫假漢書古今人表公肩瑕師古曰卽公肩假是瑕
假古字通用正義謂鄭讀假爲瑕說文瑕爲女病素問所
謂血凝爲瘕也六經無瘕字孔說非是

烈假不瑕 湯孫奏假 體假無言 錫爾純嘏 純

嘏爾常矣 伊嘏文王 俾緝熙于純嘏 天錫公純

嘏 於我乎夏屋渠渠 不長夏以革 肆于時夏

烈假不取傳烈業假大也正義釋毛云王之功業廣大豈
不長遠乎商頌那湯孫奏假烈祖譔假無言傳竝曰假大
也案假乃嘏之借字郊特性嘏大也說文古部嘏大遠也
釋詁注引詩作湯孫奏嘏左氏昭二十年傳引詩作譔嘏
無言賓之初筵錫爾純嘏卷阿純嘏爾常矣傳竝曰嘏大
也禮記曾子問不旅不假注假讀爲嘏禮運祝嘏辭說釋
文嘏本或作假士冠禮宜之于假藝文類聚禮部通典禮
十九竝引作宜之于嘏尙書大傳漢書律厯志竝曰夏假

也唐雅釋言作夏假是假假古字通用我將伊假文王箋
云受福曰假釋文假古雅反毛大也正義曰毛於假字皆
訓爲大此假亦爲大也此說是也載見俾緝熙于純假閟
宮天錫公純假假字毛意俱當訓大正義以箋義申毛非
是興化孫王鉞謂假訓大乃夏之假音秦風於我乎夏屋
渠渠大雅不長夏以革周頌肆于時夏傳竝訓夏爲大尙
書天惟五年須夏之子孫皇矣箋作須假漢書高帝紀發
兵拒之陽夏鄭氏曰夏音假借之假是夏假字通之證方
言凡物之壯大者謂之夏周鄭之間謂之假詩以假爲夏
亦周人之方言也

古之人無斁 擇三有事 擇有車馬

古之人無斁傳訓斁爲厭箋改斁爲擇云古之人謂明王也口無擇言身無擇行以身化其臣下故令此士皆有名譽於天下成其俊乂之美也案呂東萊讀詩記引董氏道云韓詩作古之人無擇康成先從張恭祖通韓詩箋毛詩亦閒取韓說毛作斁而韓作擇者擇與斁皆畢聲也毛詩擇字兩見十月之交擇三有事擇有車馬

其政不獲 正是四國 正是國人 喲喲其正 翟

怨其正 今茲之正 正大夫離居 正域彼四方

皇矣其政不獲釋文政如字政政教也鄭作正正長也口

鳩正是四國正是國人斯干噲噲其正節南山覆怨其正
正月今茲之正雨無正正大夫離居兮鳥正域彼四方傳
箋竝曰正長也案正與政古字通節南山不自爲政禮記
緇衣作不自爲正詩大序正得失釋文正本又作政書甘
誓御非其馬之正史記夏本紀正作政湯誓舍我穡事而
割正殷本紀正作政周禮殘人掌冰正注故書正爲政禮
記深衣以直其政注政或爲正月令班馬政呂氏春秋仲
夏紀政作正左氏文六年傳棄時政也漢書律厯志政作
正史記秦始皇本紀始皇名政徐廣曰政一作正說文支
部政从支正正亦聲

此維與宅 何以予之 何錫予之雖無予之 又何
予之 天子所予 維予侯興 降予卿士 勿予禍
適

乃眷西顧此維與宅箋云乃眷然運視西顧見文王之德
而與之居案與乃予之段借說文與黨與也从舛从与予
推予也象相予之形漢書郊祀志谷永傳正作此維與宅
干旄何以予之采菽何錫予之雖無予之又何予之天子
所予大明維予侯興長發降予卿士殷武勿予禍適予皆
推予之子非予我之子予今文與古文何以予之論衡率
性作何以與之何錫予之白虎通考黜作何錫與之楚茨

傳賁子也釋文正義子作與曲禮上生與來日注與或爲
子左氏定十年傳朱其尾鬣以與之漢書五行志與作予
論語抑與之與隸釋載漢石經作意予之與君孰與足谷
永傳作君孰予足荀子成相篇賢者予注予讀爲與大略
篇然而有所其子也注予讀爲與

作之屏之 載芟載柞

作之屏之傳箋於作字無訓正義云攻作之蒙案作當讀
爲柞攻卽柞氏掌攻草木之攻周頌載芟載柞傳除草曰
芟除木曰柞正義引秋官柞氏掌攻草木及林麓作卽柞
之借字故以攻釋之漢書宣帝紀往來長楊五柞宮師古

曰柞字或作祚音同司馬相如傳振師五祚習馬長楊師
古曰祚與柞同燕刺王旦傳待詔五柞宮師古曰柞讀與
祚同作之屏之作卽祚字之省

其替其翳 殪此大兕

其菑其翳傳木立死曰菑自斃曰翳案翳爲殪之段借吉
日殪此大兕傳殪一發而死翳訓斃與殪訓死義同韓詩
正作其菑其殪文選張景陽禠詩翳翳結繁雲注引毛詩
殪殪其陰云翳與殪古字通翳之通作殪猶翳之通作殪
矣釋名殪翳也就隱翳也

中夷載路 射則貫兮 混夷駢矣

串夷載路傳串習夷常路大也釋文串古患反本又作患
齊風猗嗟射則貫兮箋貫習也釋文貫古患反案串貫皆
損之段借說文損習也又作道說文亦云習也玉篇一部
串古患切習也或爲慣道是部過古患切習也亦作串一
切經音義卷九卷十七串古文損道二形卷十八慣又作
串損道三形同古患反華嚴經音義一慣古患反鄭箋詩
曰慣習也字宜从才或有作串者爾雅串貫竝訓習亦猶
崇樹竝訓高過曷竝訓止貉莫竝訓定隕碩竝訓落字異
而音義則同箋云串夷卽混夷西戎國名也釋文混音昆
絲混夷駮矣釋文混音昆孟子大王事昆夷字作昆串與

貫通貫與昆通釋名昆貫也禹貢瑤琨漢書地理志作瑤
瑣韋昭瑣音貫說文玉部琨重文作瑣惠棟詩經古義曰
一說說文無串字古患字作患串乃古貫字晉姜鼎云令
俾串通楊南仲訓爲毋與貫同棟案明堂位云崇鼎貫鼎
大璜封父龜鄭氏云崇貫封父皆國名貫與昆同物同音
故縣詩謂之混皇矣詩謂之串尚書大傳云文王受命四
年伐犬夷六年伐崇鄭注云犬夷混夷也皇矣伐崇之詩
時混夷已平故云載路崇鼎貫鼎皆伐二國時所得之寶
故與封父同稱則串夷之爲貫無疑矣

串夷載路 靡有夷屆 靡有夷瘳 民之秉彝

申夷載路傳夷常瞻卬靡有夷屆傳夷常箋云爲之無常亦無止息靡有夷瘳箋云爲之亦無常無止息正義曰夷常釋詁文彼夷作彝音義同烝民民之秉彝傳彝常正義本作夷云夷常釋詁文孟子引詩作民之秉彝趙注夷常也潛夫論引詩亦作秉夷案說文夷平也東夷之人也彝宗廟常器也夷訓常乃彝之段借書洪範是彝是訓史記宋微子世家作是夷是訓明堂位夏后氏以雞夷注夷讀爲彝周禮司尊彝注引作雞彝夷狄字亦段彝爲之魏元丕碑彝戎賓服

帝省其山 度其鮮原

帝省其山箋省善也案省乃鮮之段借鮮本魚名乃味之
美善者故引伸之又訓善第六章度其鮮原箋云鮮善也
新臺籛籛不鮮北山鮮我方將車牽鮮我觀爾箋竝曰鮮
善也釋文鮮息淺反禮玉藻唯君有黼裘以誓省釋文省
依注作獮息淺反明堂位秋省釋文省讀爲獮仙淺反史
記魯世家索隱字或作鮮或作獮是省鮮獮竝通用字之
通假存虬聲省與鮮同息淺反故相通也

柞械斯拔 臨衝荦荦

柞械斯拔箋云天旣顧文王乃和其國之風雨使其山木
茂盛正義曰柞械拔然而茂盛案說文拔擢也拔無茂盛

之義鄭云茂盛者蓋以拔爲弗之段借弟八章臨衝弗弗
傳弗弗彊盛也廣雅釋訓弗弗茂也王氏疏證云爾雅覲
采弗離也郭璞注謂草木之蔥蘢翳薈是弗爲茂也說文
多草不可行从草弗聲草多卽是茂盛重言之則曰弗弗弗聲反聲之字古
通用易旣濟六二婦喪其茀荀爽本作紱文選曹子建賁
躬詩要我朱紱注毛詩曰朱茀斯皇茀與紱同樂游應詔
詩注云蔽與茀古字通生民以弗無子箋弗之言祓也御
覽五百二十九引鄭記作以祓無子卷阿茀祿爾康矣爾
雅釋詁注作祓祿康矣爾雅釋水紉纒維之釋文紉又作
紱莊子天運孰居無事而披拂釋文拂司馬本作斐此拔

與弗通之證

因心則友 瑱瑱姻亞

因心則友傳因親也案因乃姻之段借節南山瑱瑱姻亞正義曰瑱瑱然昏姻親亞之小人言親而不賢又云戒王勿厚任親戚是姻爲親也正義釋傳云周禮六行其四曰姻往云姻親於外親是因得爲親孔沖遠亦以因爲姻之借字我行其野不思舊姻曰虎通嫁娶作不惟舊因論語因不失其親集解引孔曰因親也說文繫傳通論作如不失其親南史王元規曰姻不失親唐張說碑同左氏襄四年傳伯因史記夏本紀正義引世紀作伯姻

載錫之光 四牡脩廣 於薦廣牡

載錫之光傳光大也案光乃廣之假借說文廣殿之大屋也六月四牡脩廣雖於薦廣牡傳竝曰廣大也敬之學有緝熙於光明傳光廣也正謂假借昊天有成命傳熙廣也箋云廣當爲光是廣與光通水經注濟水篇今防門北有光里齊人言廣音與光同卽春秋所謂守之廣里者也書堯典光被四表魏志文帝紀注引獻帝傳曰廣被四表漢成陽靈臺碑曰爰生聖堯名蓋世兮廣被之恩流荒外兮廣被卽光被經傳考證帝光天之下光與廣同穀梁僖十五年傳故德厚者流光光與廣同易義述聞曰易象傳知

光大也以光大也未光大也施未光也道未光也中未光也志未光也光卽廣也光大卽廣大也爾雅釋獸回毛在背闕廣釋文廣音光皆其證說文角部觥从角黃聲廣从黃俗作觥系部續或作統廣韻十一唐韻重文作觥左氏經襄二十年陳侯之弟黃穀梁黃作光江漢武夫泚泚鹽鐵論作武夫潢潢釋訓泚泚赴武也舍人本作橫橫釋言枕充也鄭注禮記樂記孔子閒居皆云橫充也說見爾雅校勘記說文黃地之色也从山从萑萑亦聲萑古文光亦其例

貊其德音 君婦莫莫

貊其德音傳貊靜也箋云德正應和曰貊釋文貊作貉云

本作𧢲正義曰左傳樂記韓詩𧢲皆作莫釋詁云𧢲莫定也郭璞曰皆靜定也義皆爲定聲又相近讀非一師故字異也案說文有𧢲無𧢲𧢲訓北方牙種卽韓奕追𧢲之𧢲𧢲其德音𧢲乃莫之段借史記樂書引詩亦作莫其德音楚茨君婦莫莫傳莫莫清靜而敬至也本詩求民之莫版民之莫矣傳竝曰莫定也定亦靜也莫通作寔文選西征賦注引韓詩章句寔靜也又作𧢲說文𧢲𧢲𧢲也玉篇𧢲靜也莫說文作𧢲且冥也卽今朝暮字萬物至莫皆靜故引仲之訓靜訓定𧢲寔寔暮皆後出之字荀子非十二子篇莫莫然楊倞注莫讀爲𧢲𧢲靜也楊不知莫爲正字

三ノ

111

閔子小子於平阜考

云於乎我君考念茲皇祖箋云念此君祖於乎皇王箋云
於乎君王訪落休矣皇考箋云美矣我君考閟宮皇祖后
稷箋云君祖后稷說文皇大也从自自始也始皇者三皇
大君也儀禮聘禮記賓入門皇注古文皇皆作王書洪範
皇極之敷言史記宋微子世家作王極之傳言莊子天運
三王五帝之治天下釋文本或作三皇破斧四國是皇傳
皇匡也法言先知作四國是王注王匡也春秋緜露深察
名號篇王者皇也

無然畔援 仲奭爾游矣 繼猶判渙

無然畔援箋云畔援猶跋扈也案卷阿伴奭爾游矣箋云

伴與自縱弛之意縱弛與跋扈義近訪落繼猶判渙傳判
分渙散分散與縱弛義近美惡不嫌同詞卷阿釋文伴音
判徐音畔是伴判畔字通之證漢書敘傳項氏畔換黜我
巴漢師古曰畔換強恣之貌猶言跋扈也詩大雅皇矣篇
曰無然畔換文選魏都賦曰雲徹叛換劉涓林注叛換猶
恣睢也皆本鄭箋爲說玉篇引詩作無然伴換左氏襄二
十七年經陳孔奐公羊作孔瑗釋文孔瑗二傳作孔奐鵬
冠子武靈王篇武靈王問龐煥陸佃注煥一作煖援之通
作奐與渙亦猶援之通作換瑗之通作奐煖之通作煥矣

侵阮徂其 侵白阮疆 度其鮮原

侵阮徂其傳云密須氏侵阮遂往侵其正義云毛以徂爲
往故云遂往侵其以阮其爲周地爲密須所侵箋以阮徂
其爲三國義本魯詩王肅孔晁孫毓力排鄭說張融又護
鄭而攻晁羣議紛呶訖無定論玉樹案此章分三段讀韻
亦三易帝謂文王無然畔援無然歆羨誕先登于岸援羨
岸爲一韻密人不恭敢距大邦邦古讀如封侵阮徂其恭邦其
爲一韻王赫斯怒爰整其旅以遏徂旅以篤周祜以對于
天下音戶怒旅旅祜下爲一韻敢距大邦二句承上密人不
恭而言卽不恭之皐狀也爰整其旅承上王赫斯怒而言
卽赫怒之情事也以篤周祜二語則又因其出師有功而

頌美之也條理本極分明箋以侵阮徂共連下二句讀屬
之文王音韻旣乖且先言侵而後言赫怒整旅亦且語無
倫次不如毛以侵阮徂共屬之密人于文義爲順也其卽
涇州北五里之共池見方輿紀要阮卽度其鮮原之原漢
書地理志五原郡廣韻二十二元引史記作五阮郡說文
自部阮代郡五阮關也漢志代郡下作五阮關是原與阮
古字通用阮邑受密人侵擾故度地築城扼其衝要毛詩
用字例不盡一或作阮或作原一而已矣阮之通作原亦
猶說文榮蜺爾雅方言作蠨蛸爾雅釋蟲音義
蠨蛸字林作阮春秋鄭伯
髡頑公穀作髡原也

以按徂旅 無遏爾躬 式遏寇虐 勝殷遏劉

以按徂旅傳按止也釋文按安旦反本又作遏安葛反文王無遏爾躬民勞式遏寇虐武勝殷遏劉傳箋竝曰遏止也案說文按下也遏微止也遏正字按借字孟子引詩作以遏徂莒毛詩稽古篇云按字竝無遏音韻會始收按字入七曷韻朱傳按亦音遏豈宋世有此俗音乎玉樹案此說非也凡字之相通者非聲同卽聲近非聲近卽聲轉末有音不相涉而字可互通者也集傳按音遏據詩釋文與孟子不誤說文頁部類鼻莖也从頁安聲或从鼻曷聲作𪔐徐音烏割切山海經邊春之山有獸名幽鷄郭注鷄音

過廣韻十二曷烏割切紐內有脰字注云肉敗臭論語作
餽又有𦵏字頰鵠脰𦵏可音過按字何獨不可音過

度其鮮原 陟則在𦵏 斧以斯之 無獨斯畏

度其鮮原傳云小山別大山爲鮮案爾雅釋山小山別大
山鮮釋名作𦵏公劉陟則在𦵏傳𦵏小山別於大山也禮
記月令天子乃鮮羔開冰呂氏春秋亦作獻鮮之通作獻亦
七月箋引作獻羔開冰呂氏春秋亦作獻鮮之通作獻亦
猶鮮之通作𦵏矣鮮訓別又斯之借字版無獨斯畏箋云
斯離也釋言亦云斯離也離卽別也墓門斧以斯之傳云
斯析也說文亦云斯析也析亦離也鮮與斯古字通用爾

雅釋詁鮮善也釋文鮮本或作誓沈云古斯字瓠葉有免
斯首箋云斯白也今俗語斯白之字作鮮齊魯之間聲近
斯釋文斯鄭作鮮音仙蓼莪鮮民之生卽斯民之生書無
逸惠鮮鰥寡卽惠斯鰥寡阮氏元說說文鮮魚名魯奚斯
字子魚斯爲鮮之段借金鶚說先君曰王赫斯怒箋云斯
盡也斯蓋鮮之段音易繫辭上傳君子之道鮮矣釋文鮮
悉淺反師說云盡也又云公劉篇于胥斯原斯原卽皇矣
之鮮原亦卽此章之熾原斯原合言之也陟則在熾復降
在原分言之也毛詩紉義曰魚鼈鮮魚鮮當讀如斯爾雅
釋言斯離也斯離其魚卽是作膾古文尙書撰異曰析支

大戴禮作鮮支古音斯與析同部同紐同義

孟斯亦作𦵏
舊史記司馬

相如傳則生歲斯
苞荔漢書矯作析

鮮之雙聲轉讀同斯析是以說文之霽

讀若斯

與爾臨衝

臨衝閑閑

臨衝弗弗

蘊隆蟲蟲

與爾臨衝傳臨臨車也衝衝車也釋文臨如字韓詩作隆
衝案臨借字隆正字淮南子汜論訓隆衝以攻鹽鐵論衝
隆不足爲強字竝作隆雲漢篇蘊隆蟲蟲傳云隆隆而雷
漢書五行志沛城鐵官鑄錢鐵不下隆隆如雷聲楊雄傳
下隆隆者絕注隆隆雷聲也後漢書張衡傳豐隆軫其震
霆兮注豐隆雷也隆車取隆隆如雷聲之義後漢書袁紹

傳操乃發石車擊紹樓皆破軍中呼曰霹靂車注以其發石聲震烈諱爲霹靂卽今之拋車也隆車卽霹靂車之類霹靂亦靄也呂其聲如靄故亦謂之靄周禮職金注槍雷椎棹之屬釋文雷沈云當爲礮埤蒼礮推石自高而下也雲漢上帝不臨臨韻蟲宗躬司馬相如長門賦君曾不冒兮幸臨臨與宮韻皆讀爲隆臨古有隆音故毛詩段臨爲隆漢書地理志河內郡隆慮卽荀子臨慮後漢郡國志林慮

鹿濯濯 魚躍于淵

靈臺鹿濯濯傳濯濯娛樂遊也案娛樂也遊行也

版傳游
行也

濯濯卽躍躍之異文獸娛樂則跳躍而行故以娛遊釋躍
躍箋申之云鳥獸肥盛喜樂言得其所旱麓魚躍于淵箋
云魚跳躍於淵中喻民喜得所正義曰魚皆跳躍於淵中
而喜樂是躍有娛樂之意爾雅釋訓赫赫躍躍迅也釋文
躍余斫反樊本作濯引詩釋云濯濯厥靈是濯躍字通之
證濯卽下文於物魚躍之躍變文以爲韻故字作濯興化
孫王鉞云濯濯訓娛遊濯讀如逍遙之逍如梓人注濯讀
爲哨之比羔裘傳以逍遙爲遊燕白駒箋以逍遙爲遊息
文選南都賦注引韓詩章句逍遙遊也

於論鼓鍾 有倫有脊

於論鼓鍾傳論思也箋云論之言倫也於得其倫理乎鼓
與鍾也案論卽有倫有脊之倫彼傳云倫道也道亦理也
傳訓爲思者說文忄部侖思也侖部侖理也是思卽理也
傳箋蓋一義釋文論鄭音倫正義曰倫理之字宜爲倫故
曰論之言倫儀禮公食大夫禮倫膚也注今文倫或作論
荀子性惡篇少言則徑而省論而法注論或爲倫莊子齊
物論有倫有義釋文崔本作有論有議孟子憂心悄悄愠
于羣小孔子也注孔子論此詩焦循曰論與倫通中庸毛
猶有倫注倫比也謂孔子比擬此詩

於樂辟離 鎬京辟離 如圭如璧 圭璧旣卒

於樂辟靡傳云水旋丘如璧曰辟靡案毛讀辟爲璧與如圭如璧圭璧旣卒之璧同說文璧瑞玉圓也从王辟聲凡言辟靡皆璧之段音正義引韓詩說云辟靡者天子之學圓如璧壅之以水示圓言辟取辟有德不言辟水言辟靡者取其靡和也校勘記曰取辟有德辟當作璧又正義引盧植禮記注引圓之以水但辟故謂之辟靡校勘記曰圓之以水但辟問本明監本毛本辟作璧所改是也古璧無雙避警闕壁襲僻霹皆借用辟史記宋世家子辟公辟兵立索隱曰紀年作桓侯璧兵

昭茲來許 飲御諸友

下武昭茲來許傳許進也案說文許訓聽言無進義訓進者御之段借字也小雅六月篇飲御諸友傳御進也說文御使馬也使馬有驅之前進之義故引仲之又訓進獨斷云御進也廣雅釋詁御進也國語晉語朱也當御注御進也周禮天官序官女御注御猶進也續漢書祭祀志注東平王蒼引詩正作昭哉來御當是三家詩用今文也許从午聲御从卸卸亦午聲故相通

適駿有聲適求厥甯適觀厥成 適追來孝 歲聿其莫 歲聿其逝 我征聿至 聿脩厥德 聿懷多福 報我不述

文王有聲篇通駿有聲通求厥甯通觀厥成箋云通述駿
 大求終觀多也文王有令聞之聲者乃述行有令聞之聲
 之道所致也所述者大王王季也又述行終其安民之道
 又述行多其成民之德通追來孝箋云乃述追王季勤孝
 之行案說文糸部通回避也通無述意訓述乃聿之段借
 聿即筆也

說文楚謂之聿吳謂之不律燕謂之弗秦謂之筆

筆所以著述故訓述

釋名筆述也是也文王聿脩厥德傳聿述大明聿懷多福
 箋云聿述正義曰述行此道思得多福東山我征聿至箋
 云我君子行役述其日月今且至矣述字正釋經之聿蟋
 蟀歲聿其莫傳云聿遂遂讀與述同

鄭志荅張逸問述者述其故事也述讀如

遂事不諫之遂春秋文十二年秦伯使術來聘公羊術作
遂禮記月令注術周禮作遂學記注術當爲遂此述遂字
通之明述循也循行也歲聿其莫謂歲循行至於莫也或
證也以聿爲語詞失傳意矣適聿古字通用適追來孝禮記禮
器後漢書李固傳魏志明帝紀注竝引作聿追來孝楚茨
神保聿歸宋書樂志作神保適歸縣聿來胥宇箋聿自正
義曰聿自釋詁文今釋詁作適自抑正義引爾雅亦作聿
自皆其證或曰適聿訓述卽述之段借釋文適尹橘反又
音述召顯釋文適音聿又音述書康誥祗適乃文考釋文
適音聿又音述釋詁適自也釋文適孫云古述字讀聿釋
言適述也釋文適古述字釋訓不適不蹟也釋文適古述

字一音聿聿脩厥德漢書東平思王宇傳後漢書呂強傳
聿作述是適聿述竝通用日月報我不述傳述循也

王公伊濯

濯征徐國

倬彼雲漢

域樸雲漢

倬彼昊天

王公伊濯傳濯大常武濯征徐國傳同案濯乃倬之段借
說文倬訓箸大械樸傳倬大也桑柔箋倬明大貌雲漢疏
倬然而明大卓聲濯聲古相通晉書音義上倬亦濯字廣
韻二十三效倬重文作濯是其例

豐水有芑

集于苞杞

言采其杞

秋杜北山

隰有杞棘

豐水有芑傳芑草也案禮記表記引此詩鄭注芑枸櫞也
正義曰芑枸櫞釋木文孫炎云則今枸芑也今釋木作杞

枸櫞四牡集于苞杞四月陽有杞棣傳竝曰杞枸櫞枸櫞而謂之草者此有草木二種生山中皆木生水邊皆草故爾雅入釋木廣雅入釋草正義以爲芭菜杜言采其杞箋云杞非常菜也正義云我采其杞木之菜北山言采其杞疏云我采其杞菜之葉蓋枸杞初生時可食故曰菜芭菜卽杞菜非蒲言采芭之芭菜也說文云菜草之可食者毛以爲草孔以爲菜亦是一義芭與杞字通用山海經餘嵒之山其下多荆芭歷石之山其木多荆芭榮餘之山其木多柳芭杞竝作芭左氏襄二十三年傳杞殖文選洞簫賦注作芭梁殖云芭與杞同王風不流束蒲傳云蒲草也

箋云蒲蒲柳案柳生水傍幹細僅與蒲類故有蒲名既名
爲蒲卽可目爲草毛以蒲爲草卽指蒲柳而言箋申毛非
改毛以蒲柳爲草猶以枸櫞爲草也先君詩說有云毛詩
多草木有介乎草木之間可名以草亦可名以木者采杞
苞杞杞楨皆枸櫞也爾雅枸櫞列釋木廣雅人之釋草曰
地筋枸杞也枸乳苦杞也杞一从草作芭禮記引詩豐水
有芭注芭枸櫞也毛傳則曰芭草也陸璣毛詩草木鳥獸
蟲魚疏杞亦入草類云集于苞杞杞亦名苦杞玉樹案一
名苦杞上
舊有其樹如榜四字毛晉津逮秘書本王謨漢魏叢書本
並同南山有臺釋文引陸疏亦有此四字邢昺爾雅疏無
之案陸氏旣以苞杞爲草不當云其樹如榜杞雖有如榜
一種陸氏所言則非觀於莖似莓子云云可知此四字非

陸氏
舊本

一名地骨

詩釋文引作一名狗骨

春生作蕒茹微苦其莖似莓

子秋熟正赤莖葉及子服之輕身益氣毛傳以芑爲草正
是此種蓋桐櫟生山中者榦大而高則木也生水邊者莖
柔而細則草也故毛公不以南山有杞山有杞棧陟彼北
山言采其杞之杞爲草而以豐水有芑之芑爲草也杞之
作芑正如四牡釋文桐櫟字亦作苟其物可草可木故其
字亦可草可木矣類升蕒與女蘿傳蕒寄生也釋文曰爾
雅云寓木宛童是也案陸疏以寄生入草類爾雅以寓木
入釋木廣雅釋草釋木兩收之釋草曰寄屑寄生也釋木
曰宛童寄生槁也蓋蕒本是草以其託根於木之上故亦

名之爲木蒿在說文艸部字亦从木作槁矣毛傳曰女蘿
兔絲松蘿也爾雅釋草曰唐蒙女蘿女蘿兔絲廣雅釋草
曰女蘿松蘿也陸璣疏云女蘿今兔絲蔓連草上非松蘿
松蘿自蔓生松上神農本草松蘿一名女蘿在木部兔絲
亦名兔蘿在艸部是草木有二種類并釋文曰在草曰兔
絲在木曰松蘿蓋在草則草之在木則木之本草所絲區
別析言之則不同故陸疏兔絲松蘿分爲二也混言之則
無別故毛傳兔絲松蘿合爲一也詩言蒿皆與葛並稱陸
疏云蒿一名巨蕪似燕薹亦延蔓生葉如艾色白其子赤
可食酢而不美幽州謂之葍蒿廣雅列之釋草曰葍藤也

爾雅列之釋木曰諸慮山櫛櫛虎櫛櫛木釋文藹木又作
櫛說文艸部有藹云草也木部有藹云木也七月篇六月
食鬱及藹傳藹藹藹也說文艸部藹藹藹也爾雅釋草燕
藹藹舌也則藹固草矣正義云藹藹者亦是鬱類而小別
耳晉宮閣銘云華林園中有車下李三百一十四株藹李
一株車下李卽鬱藹李卽藹二者相類而同時熟觀於藹
李之名則藹又木矣隰有萋楚傳萋楚銚弋也說文艸部
爾雅釋草竝同毛傳廣雅釋草曰鬼桃銚弋羊桃也則萋
楚固草矣楚辭七諫云伐橘柚兮列樹苦桃王逸注苦桃
苦木洪興祖補注曰羊桃味苦邵晉涵爾雅正義曰因其

味苦謂之苦桃又山海經中山經曰豐山其木多羊桃狀如桃而方莖郭注一名鬼桃羊桃乃萇楚之異名而山海經以爲木則萇楚亦木矣廣韻十陽萇楚蔓生如桃蔓生則近草如桃則近木萇字从艸楚字从木合萇楚以爲之名則其物固介乎草木之間者也萇也萇也萇也萇楚也四者皆蔓生有榦蔓生則似草有榦則似木故草木之名未有定也太平御覽引毛詩提綱云萇一名燕萇藤唐本草注云燕萇自是千歲藟案藟但似燕萇耳若竟以爲一物則誤矣唐風椒聊之實蕃衍盈升傳椒聊椒也爾雅本草陸璣疏皆列之木部說文木部椹似菜萇出淮南字从

木艸部云茱萸茱萸也茱萸實裏如裘也字皆
从艸茱卽椒字說文別無椒段玉裁曰椒實木也此沿自
古籀者析言則有草木之分統言則草亦木故造字有不
拘案段說非也文選景福殿賦注曹子建求道親親表注
引詩椒聊之實蔓延盈升是茱固有蔓生者神農本草云
蔓椒一名家椒生雲中川谷名醫別錄云蔓椒一名豬椒
一名葇椒楚辭懷椒聊之葢葢兮王逸注椒聊香草也引
詩椒聊且說文茱字从艸正與此合廣雅釋木梲椒檮越
椒茱萸也椒一作葇檮一作葇說文茱字詩箋作桵皆因
有草木兩種故耳鄭風顏如舜華傳舜華木槿也舜說文

作薜引詩顏如薜華薜隸變作薜俗又作檮木槿說文月
令釋草皆作木藟許書列於艸部陸疏入之木類爾雅麗
之釋草而有椴櫬之名字仍从木海外東經有藟華草朝
生暮死郭注藟或作藟是亦以藟爲草矣爲草爲木迄無
定名樊光曰其樹如李其華朝生暮死與草同氣故入草
中是亦調停之說而已南山有臺篇南山有栲栳栲栳
也陸璣疏云栲樹山木其狀如櫬一名栲骨高大如白楊
所在山中皆有理白可爲兩板說文木部栲栳木也可爲
櫬史記漢書皆云栲櫬禮記內則字作栲則栲同木矣玉
篇栲俱禹切其木可爲櫬出蜀中亦作栲櫬合南方草木

狀以蒟醬入草部而有華莢之名云交趾人家多種蔓生
文選蜀都賦其園則有蒟蒻茱萸注蒟蒻醬也緣樹而生
其子如桑椹熟時正青長二三寸常璩華陽國志巴志云
果實之珍者樹有荔枝蔓有辛蒟漢中志云邛竹蒟醬殊
方奇玩蜀志云荔枝蔓蒟蒻劉逵顧微朱祁謂蒟卽扶留藤
是蒟有蔓生者不盡高大如白楊故字亦从艸說文木部
有枸艸部有蒟段玉裁謂不能定而兩存之楊之水不流
東楚傳楚木也說文林部楚般木一名荆也艸部荆楚木
也考詩於木曰伐於草曰刈說文又芟草也或从刀作刈
楚辭離騷願娛時乎吾將刈註刈穫也草曰刈吳語而又

刈亡之注芟草曰刈漢廣篇曰言刈其楚言刈其蕀則楚
是可刈之物當爲草矣儀禮士喪禮楚焯注楚荆也疏云
荆本是草之名是也說文荆正从艸唐本艸注子小而作
樹者曰牡荆子大而蔓生者曰蔓荆詩云刈楚蒹葭荆也
此楚之可草可木也杞也蒿也松蘿也藟也蕀也蕀楚也
椒也舜也枸也荆楚也十者皆介乎草木之間若周南之
采芣卽馬舄有謂爲西戎之木字亦作桴苳者先儒已辨
其不然矣